



**2021/2022-YILGI MAVSUMDA
O‘ZBEKISTON PROFESSIONAL FUTBOL LIGASI
TOMONIDAN O‘TKAZILADIGAN FUTZAL
MUSOBAQALARI REGLAMENTI**

UZBEKISTAN
PROFESSIONAL FOOTBALL
LEAGUE

Mazkur Reglament (bundan buyon — Reglament) O‘zbekiston Professional futbol ligasi Ijroiya qo‘mitasining 2021-yil 21-sentabrdagi yig‘ilishida ma‘qullangan. Ushbu Reglament O‘zbekistonda professional va yarim professional futzal klublari o‘rtasidagi 2021/2022-yilgi musobaqalarni o‘tkazishning shartlari va nizomlarini belgilovchi, FIFA, OFK, O‘FA va O‘zPFL ustavlari hamda amaldagi qonunchilikka muvofiq ishlab chiqilgan me‘yoriy hujjatdir.



UZBEKISTAN
PROFESSIONAL FOOTBALL
LEAGUE

1-bob.	Umumiy qoidalar.....	8
2-bob.	Musobaqalarning maqsad va vazifalari.....	8
3-bob.	Musobaqalarni boshqarish.....	8
4-bob.	Musobaqalar o'tkaziladigan joy.....	9
5-bob.	Marketing, homiylik va musobaqalarni tashkil etish bilan bog'liq masalalar.....	9
6-bob.	Merchendayzing.....	11
7-bob.	Futzal klublarining Musobaqalarda ishtirok etishi uchun moliyaviy shartlar.....	12
8-bob.	Musobaqada ishtirok etish shartlari.....	12
9-bob.	Musobaqalar hujjatlari va ularni rasmiylashtirish tartibi.....	14
10-bob.	Futzalchilar bilan tuzilgan mehnat shartnomalarini ro'yxatga olish tartibi.....	15
11-bob.	Xorijlik futzalchi va mutaxassislarni ro'yxatdan o'tkazish uchun alohida shartlar.....	16
12-bob.	O'zPFL ro'yxatidan o'tgan futzalchining Musobaqadagi ishtirokini tartibga solish.....	17
13-bob.	O'zPFL komissarining Musobaqalardagi faoliyati.....	18
14-bob.	Musobaqalarda hakamlik qilish.....	19
15-bob.	Musobaqalarda nazoratchilik qilish.....	20
16-bob.	Hakamlar qaroriga shikoyat yoki e'tiroz berish tartibi.....	20
17-bob.	Futzal uchrashuvlarini o'tkazish tartibi.....	22
18-bob.	Futzal klublari, klublar rahbarlari va futzalchilarning majburiyati.....	25
19-bob.	Musobaqa ishtirokchilarining liboslariga qo'yiladigan talablar.....	27
20-bob.	Futzal klublarining OAV bilan ishlashiga oid talablar.....	28
21-bob.	Musobaqalarini o'tkazish formati.....	38
22-bob.	Musobaqa g'oliblarini aniqlash.....	29
23-bob.	Musobaqa g'oliblarini taqdirlash.....	30



UZBEKISTAN

PROFESSIONAL FOOTBALL LEAGUE

To'liq va qisqa nomlar — atamalar ta'rifi

Musobaqalarni boshqarish

FIFA	Xalqaro futzal federatsiyalari assotsiatsiyasi
OFK	Osiyo futzal konfederatsiyasi
O'FA	O'zbekiston futbol assotsiatsiyasi
O'FA ma'muriyati	O'FA prezidenti, vitse-prezidentlari, O'FA bosh kotibi
O'zPFL	O'zbekiston Professional futbol ligasi
O'zPFL ma'muriyati	O'zPFL bosh direktori, O'zPFL bosh direktorining o'rinbosari, Musobaqalar o'tkazish bo'limi boshlig'i, Litsenziyalash bo'limi boshlig'i, Klublarni rivojlantirish bo'limi boshlig'i
HIQ	O'FAning Hakamlilik-inspektorlik qo'mitasi
EQ	O'FAning Etika qo'mitasi
TIQ	O'FAning Tartib-intizom qo'mitasi
FMTQ	O'FAning Futzalchilarning maqomi va transferi bo'yicha qo'mitasi
NHP	Nizolarni hal qilish palatasi
HA	O'FA Qoraqalpog'iston Respublikasi, viloyatlar va Toshkent shahar hududiy assotsiatsiyalari
RO'O	O'zPFLning ro'yxatdan o'tkazuvchi organi

Musobaqa ishtirokchilari

PFK	Professional futzal klubi
YaPFK	Yarim professional futzal klubi
HFK	Havaskor futzal klubi
FA	Futbol akademiyasi
FMM	Futbol mahorat maktabi
BO'FM	Bolalar-o'smirlar futbol maktabi
BO'SM	Bolalar-o'smirlar sport maktabi

Musobaqalar

Musobaqalar	O'zbekiston Professional futbol ligasi tomonidan o'tkaziladigan barcha musobaqalar
Oliy liga	O'zbekiston professional futzal klublarining oliy toifali musobaqasi
U-18 chempionati	Professional futzal klublari qoshida tashkil etilgan U-18 jamoalari ishtirokidagi musobaqa
Birinchi liga	O'zbekiston professional va yarim professional futzal klublarining birinchi toifali musobaqasi
O'zbekiston kubogi	Professional, yarim professional va havaskor futzal klublari ishtirokidagi musobaqa

Superkubok	Oliy toifali musobaqa g'olibi va O'zbekiston kubogining amaldagi g'olibi o'rtasida o'tadigan mavsumoldi uchrashuvi
Ayollar musobaqalari	Ayollar jamoalari o'rtasidagi O'zbekiston chempionati (Oliy ligasi) va O'zbekiston kubogi musobaqasi
Uchrashuv	O'zPFL tomonidan o'tkaziladigan musobaqalardagi rasmiy o'yinlar

Rasmiylar

Uchrashuv komissari	O'zPFL tomonidan uchrashuvning tashkil etilishi va o'tkazilishini nazorat qilish uchun tayinlangan shaxs
O'zPFLning hududiy vakili	O'zPFL bilan shartnoma asosida faoliyat olib boruvchi hududlardagi mutaxassis
Uchrashuv inspektori	O'FA tomonidan tayinlangan va uchrashuv davomida hakamlarni baholab boradigan shaxs
Futzal hakami	O'FA tomonidan futzal o'yini qoidalari va tartibga soluvchi boshqa hujjatlarga muvofiq uchrashuvni nazorat qilish va boshqarish uchun tayinlangan shaxs
Sport majmuasi rasmiysi	Uchrashuv o'tadigan majmua uchun javobgar shaxs
Klub rasmiysi	Uchrashuv vaqtida klub uchun javobgar bo'lgan hamda O'zPFL ro'yxatidan o'tgan jamoa uchun mas'ul shaxs (futzalchidan tashqari)
Xavfsizlik uchun mas'ul	Ichki ishlar, Milliy gvardiya, FVV xodimlari, shuningdek, klubning xavfsizlik bo'yicha ofitseri, sport majmuasi styuardlari
Mahalliy koordinator	HA mas'ul xodimi

Boshqa atamalar

Mehnat shartnomasini ro'yxatga olish	Klubga tegishli futzalchi yoki rasmiy shaxslarni musobaqalarda ishtirok etishi uchun mehnat shartnomasini ro'yxatdan o'tkazish jarayoni
Transfer	Futzalchining o'tishi (transferi) deganda uning musobaqalarda ishtirok etishiga ruxsat berilishi bilan yakunlangan bir klubdan boshqasiga o'tishi
Transfer shartnomasi	Futzalchining o'tish tartibi, muddati va shartlari (shu jumladan, xarajatlarni qoplash shartnomasi mavjudligida futzalchilarning o'qitilishi, tayyorlanishi, mahoratini takomillashtirishi uchun sarflangan xarajatlarni to'lash)ni belgilovchi,

Transfer oynasi	futzal klublari yoki futzal klubi va sport maktabi o'rtasida tuziladigan ikki tomonlama kelishuv Futzal klubining futzalchini sotib olishi yoki sotishi, shuningdek, ijaraga berishi yoki olishi amalga oshadigan davr
XTS Ijara shartnomasi	Xalqaro transfer sertifikatini Ikki klub va futzalchi o'rtasida tuziladigan, o'tishning tartibi, muddati va shartlari (shu jumladan, to'lovlar)ni belgilaydigan uch tomonlama shartnoma
Futzalchining ijarasi	Futzalchining ijarasi deganda klub bilan shartnoma tuzgan futzalchining boshqa klubga quyidagi shartlar asosida vaqtinchalik o'ynash uchun o'tishi nazarda tutiladi: <ul style="list-style-type: none"> • o'tish paytida futzalchi va u muayyan vaqtga tark etmoqchi bo'lgan klub o'rtasida keyinroq ham davom etadigan shartnomaning mavjudligi, bu shartnoma futzalchini boshqa futzal klubida vaqtinchalik o'ynaganidan so'ng tomonlarning mehnat munosabatlarini qayta tiklash ixtiyori borligidan dalolat beradi; • futzalchi yangi klubga o'tishiga qadar amaldagi mehnat shartnomasiga ega bo'lgan klubga futzalchining tarbiyalanishi uchun sarflangan xarajatlar qoplanishi huquqining saqlab qolinishi
Sport mavsumi	kalendar yili doirasida rasmiy musobaqalarga tayyorgarlik ko'rish va bevosita musobaqalar vaqtini o'z ichiga olgan davr. Musobaqalar davri O'zPFL qatnashchilari o'rtasida o'tkaziladigan birinchi rasmiy uchrashuv kuni bilan boshlanadi va oxirgi rasmiy uchrashuv kuni bilan yakunlanadi.
Transferlarni ro'yxatga olish davri	Futzalchining kelgusi yoki joriy musobaqalarda ishtirok etishi uchun u klubdan bu klubga o'tishi mumkin bo'lgan davr
Legioner	O'zbekiston futzal klubiga ishlash uchun taklif etilgan chet el fuqarosi (futzalchi)

Xorijiy mutaxassis	O'zbekiston futzal klubiga ishlash uchun taklif etilgan xorij fuqarosi
Vositachi (uchinchi shaxs, agent)	Futzalchining bir klubdan ikkinchisiga trasferi amalga oshayotganda uning huquqlarini himoya qiladigan yoki futzalchining amaldagi shartnomasi yakuniga yetib borayotgan vaqtda uning kelgusi rejalari yuzasidan muzokaraga kirishishi mumkin bo'lgan, shu futzalchi bilan qonuniy yozma kelishuvi mavjud bo'lgan shaxs.



UZBEKISTAN
PROFESSIONAL FOOTBALL
LEAGUE

1-bob. Umumiy qoidalar

Mazkur Reglament futzal bo'yicha Oliy liga, U-18 chempionati, Birinchi liga, O'zbekiston kubogi, ayollar chempionati, erkaklar Superkubogi kabi musobaqalarni (keyingi o'rinlarda — Musobaqalar) o'tkazish tartibini belgilaydi.

O'zbekiston futbol assotsiatsiyasi, professional va yarim professional futzal klublari yoki boshqa tashkilotlarning taklifi bilan ham alohida musobaqalar o'tkazilishi mumkin. Mazkur musobaqalarni o'tkazishda O'zPFL ishtiroki ham bo'lsa, u holda musobaqa O'zPFL bosh direktori bilan kelishilgan nizom asosida o'tkaziladi.

Mazkur Reglament ikki — o'zbek va rus tillarida chop etilgan. Ikki til o'rtasida ehtimoliy tafovut vujudga kelsa, u holda o'zbek tilida yozilgan qismi ustuvor hisoblanadi.

2-bob. Musobaqalarning maqsad va vazifalari

2.1. Musobaqalarning maqsadlari va vazifalari quyidagilarni:

- O'zbekiston futzalini rivojlantirish yo'lida milliy chempionat o'yinlarini professional darajada tashkil etish;
- O'zbekiston futzalchilarining mahorat darajasini oshirish;
- O'zbekistonlik yosh futzalchilarning mahorat darajasini oshirish hamda ularning professional sportga kirib kelishlari mexanizmini takomillashtirish;
- O'zbekiston terma jamoalari va professional futzal klublarini xalqaro musobaqalar: jahon chempionatlari, Osiyo kubogi, yopiq inshootlarda o'tadigan Osiyo o'yinlari, klublar o'rtasidagi Osiyo chempionatida ishtirok etishi uchun tayyorlash va muvaffaqiyatli ishtirok etishiga ko'maklashish;
- futzal muxlislarining hordiq chiqarishlarini tashkil etish;
- O'zbekiston futzalini targ'ib etish va shu yo'l orqali o'zbekistonlik futzalchilarning chet el klublari nazariga tushishi uchun harakat qilish;
- O'zPFL tomonidan o'tkaziladigan Musobaqalarda g'oliblarni aniqlash;
- OFK musobaqalarida ishtirok etadigan klublarni aniqlashni nazarda tutadi.

3-bob. Musobaqalarni boshqarish

3.1. Musobaqalarni boshqarish, tashkil etish va o'tkazilishini nazorat qilish O'zPFL tomonidan amalga oshiriladi.

3.2. Ikkinchi liga musobaqasi hamda Ikkinchi ligadan Birinchi ligaga o'tish o'yinlarini boshqarish, tashkil etish va o'tkazishni nazorat qilish O'FA tomonidan amalga oshiriladi.

3.3. Musobaqalar ushbu Reglament, shuningdek, FIFA, OFK, O'FA, O'zPFL tomonidan tasdiqlangan mazkur Reglamentga kiritilgan qo'shimchalar, maxsus nizomlar va ilovalar asosida o'tkaziladi.

4-bob. Musobaqalar o'tkaziladigan joy

4.1. Musobaqalar litsenziyalash bo'yicha Reglament asosida O'zPFL tomonidan ruxsat etilgan sport majmualarida o'tkaziladi. O'zbekiston Oliy ligasi, U-18 chempionati, Birinchi ligasi va ayollar chempionati, erkaklar o'rtasidagi Superkubok uchrashuvlari uchun sport majmuasi O'zPFL tomonidan tanlab olinadi.

4.2. Erkaklar o'rtasidagi O'zbekiston kubogi musobaqasida ishtirok etuvchi klublar o'z sport majmuasiga ega bo'lishi shart. Agar futzal jamoasi o'z sport majmuasiga ega bo'lmasa hamda uy uchrashuvini o'tkazish uchun boshqa tashkilotga qarashli majmua bilan shartnoma tuzish majburiyati yuzaga kelsa, u holda mazkur shartnoma O'zPFL ishtirokida uch tomonlama tuzilishi shart.

4.3. O'zbekiston kubogi musobaqasida fors-major holatida Musobaqa o'tkazish uchun sport majmuasini o'zgartirishga to'g'ri kelsa, mezbon klubga O'zPFL bilan uch tomonlama kelishuvga erishgan sport majmuasidan birida uchrashuvni o'tkazishga ruxsat beriladi. Markazlashgan musobaqalarning barchasida mazkur holat O'zPFL tomonidan hal etiladi.

4.4. Musobaqa o'tadigan kundan bir kun avval mezbon tomon O'zPFL komissariga sport majmuasining musobaqaning ketma-ket kunlarda o'tadigan barcha o'yinlarga tayyorgarligi to'g'risida dalolatnoma taqdim etadi. O'zPFL komissari mazkur dalolatnomasiz Musobaqani o'tkazmaslikka haqli.

5-bob. Marketing, homiylik va musobaqalarni tashkil etish bilan bog'liq masalalar

5.1. O'zPFL o'z yurisdiksiyasi ostida bo'lgan Musobaqalar va barcha boshqa tadbirlar bilan bog'liq huquqlarga, ularning mazmuni, vaqti, joyi bo'yicha qonunchilikka oid biror-bir cheklovlarsiz egalik qiladi. Ushbu huquqlar, jumladan, moliyaviy huquqlarning har qanday turlari, har qanday shakl (to'g'ridan-to'g'ri efir, yozuv yoki videolavhalar)da yozilgan audiovizual va radioyozuvlarga nisbatan huquqlar, ijro etish va efiga uzatish, multimedia huquqlari, marketing va reklama huquqlari, shuningdek, emblema yoki mualliflik huquqida kelib chiquvchi intellektual mulk huquqlarini o'z ichiga oladi.

5.2. O'zPFLning musobaqalar bilan bog'liq tijorat va televizion huquqlariga shu jumladan:

- O'zPFL tomonidan o'tkaziladigan Musobaqalar rasmiy homiylari (shu jumladan, bosh homiy) va hamkorlar bilan ishlash va shartnomalar tuzish;
- Musobaqalarning O'zPFL tomonidan tasdiqlangan nomlanishlari, logotipi va boshqa rasmiy belgilaridan reklama, tijorat maqsadlarida foydalanish;
- televizion huquqlar, uchrashuvlardan to'la hajmda va har qanday texnik usullarda joy va mazmuni bo'yicha hech qanday cheklovlarsiz televizion

signalni ishlab chiqarish va butun dunyoga uzatish, translyatsiya lavhalaridan informatsion dasturlarda, haftalik sharhlarda va boshqa dasturlarda foydalanish, har bir uchrashuvning translyatsiyasini internetda joylashtirish uchun foydalanish huquqi;

- Musobaqalarda ishtirok etuvchi klublar ushbu huquqlarni amalga oshirish uchun bosh axborot hamkor, teleradiouzatuvchilar yoki boshqa tashkilotlar bilan muzokaralar olib borish vakolatini O'zPFLga topshiradi;
- uchrashuvlarni efirga uzatish huquqini qo'lga kiritgan teleradiouzatuvchilar musobaqa bosh homiysi va rasmiy hamkorlar reklama roliklarini efirga joylashtirishlari shart. Reklama roliklarini uzatish tartibi O'zPFLning "Tijorat Reglamenti" bilan belgilanadi;
- radio huquqlar – uchrashuvlar radio signalini ishlab chiqish va butun dunyoga barcha diapazonlarda mazmun bo'yicha hech qanday cheklovlarisiz uzatish huquqi;
- vizual huquqlar – uchrashuv davomida ma'lumot saqlovchi manbalardan va sport majmuasidagi vizual hududdan, shu jumladan, televizion kameralar ko'radigan zonalardan reklama va informatsion materiallarni joylashtirish uchun foydalanish (tegishli sport majmuasining futzal maydonining perimetri bo'ylab reklama qurilmalarida, futzalchilar va hakamlar liboslarida shevronlar ko'rinishida, zaxiradagi futzalchilarning o'rindiqlarida vizual reklamani joylashtirish huquqi), jumladan, tegishli sport majmuasining elektron-informatsion tablosida hamda boshqa axborot manbalarida vizual reklamani joylashtirish huquqi;
- uchrashuv davomida sport majmuasida audioreklamani joylashtirish huquqi;
- telefon aloqasi orqali sms-translyatsiya olib borish huquqi;
- internet televidenie – tadbirlarning video va/yoki audiosini qismlari TCP/IP protokoli asosida bitta manzil maydoni orqali mantiqiy ravishda o'zaro bog'langan global axborot tarmog'idan foydalangan holda efir orqali, kabel orqali omma e'tiboriga havola qilish, ommaviy namoyish etish, tarqatish.
- betting – sport o'yinlariga pul tikiluvchi (azart o'yinlar, interfaol bukmekerlik kontoralari, totalizatorlar, sport musobaqalari bo'yicha garov) maxsus internet saytlar, mobil ilovalarda internet orqali kirish imkoniyatini berish va mobil aloqa orqali, shuningdek, tasvirni va/yoki audioni tarqatishning qonun bilan taqiqlanmagan boshqa har qanday usullari orqali sport musobaqalari videotranslyatsiyasini amalga oshirish.
- uchrashuvdan keyingi matbuot anjumani, klub futzalchilari va rasmiy shaxslar bilan o'tkaziladigan flesh-intervyu materiallaridan tijorat maqsadlarida foydalanish huquqi;
- merchendayzing mahsulotlarini namoyish qilish, bepul tarqatish va sotish huquqi (uchrashuvda mezbonlik qiladigan klub bilan kelishilgan ravishda),

shuningdek, musobaqaning rasmiy homiy/hamkorlari nomidan sport majmuasida maxsus sovrinlarni e'lon qilish huquqi;

- o'yin maydonining perimetri bo'ylab reklama to'siqlarining musobaqaning bosh homiysi va rasmiy hamkorlari logotiplari hamda boshqa ma'lumotlarini joylashtirish uchun foydalanish huquqi. Klub tomonidan foydalaniladigan reklama to'siqlarining sonini ko'paytirish masalasi shartli ravishda O'zPFL bilan tijoriy asosda kelishiladi;
- O'zbekiston Respublikasi qonunchiligi, FIFA, OFK va O'FA tomonidan belgilangan qoidalarida nazarda tutilgan boshqa huquqlar.

5.3. Ushbu huquqlarni eksklyuziv asosda yoki uchinchi tomon bilan hamkorlikda yoki to'laligicha uchinchi tomon vositachiligida amalga oshirilishi haqidagi qaror faqat O'zPFL tomonidan qabul qilinadi. Tijorat va televizion huquqlardan foydalanishga oid barcha masalalar musobaqa ishtirokchilari uchun ijro etilishi majburiy bo'lgan O'zPFLning "Tijorat Reglamenti" bilan belgilanadi.

5.4. Uchrashuv o'tkazilishi bilan bog'liq barcha bosma materiallarda, shu jumladan, ommaviy axborot vositalari, chiptalar, axborotnomalar, afisha va veb-saytlarda rasmiy homiylarga tegishli axborot joylashtirilishi shart.

5.5. Uchrashuvlar vaqtida sport majmuasi hududidan joy oladigan homiylar haqidagi har qanday reklama-axborot tusiga ega material O'zPFL marketing bo'limi bilan rasmiy kelishilgan bo'lishi lozim.

5.6. Musobaqa titul homiysi eksklyuziv huquqlarga ega bo'lib, O'zPFL titul homiy talabiga ko'ra mazkur tashkilotga raqobatdosh bo'lgan boshqa tashkilotlar bilan bog'liq reklamalarni teletranslyatsiyalar vaqtida hamda maydon perimetri bo'ylab ko'rsatishni taqiqlash huquqiga ega.

5.7. Reglamentning marketing sohasi va tegishli marketing huquqlarini amalga oshirish bilan bog'liq biror-bir bandiga rioya qilmagan klubga nisbatan moliyaviy intizomiy choralar ko'riladi.

5.8. O'zPFL homiylari musobaqalarga homiylik qilish bo'yicha qo'ygan shartlar O'zPFLning "Tijorat Reglamenti" asosida tartibga solinadi.

6-bob. Merchendayzing

6.1. Futzal klublari merchendayzing mahsulotlari (klubning ramzlari tushirilgan suvenir mahsulotlari)ni ishlab chiqarish huquqiga ega. Agar mahsulotni bevosita ishlab chiqarish oldidan unda O'zPFL logotipi yoki homiylariga tegishli joylar bo'lsa, aksessuarlar eskizi va dizayni O'zPFL marketing bo'limiga tasdiqlash uchun taqdim etilishi lozim.

6.2. Musobaqalar ishtirokchilari yangi mavsum oldidan o'z madhiyasi va ramziga (maskot) ega bo'lishi tavsiya etiladi.

7-bob. Futzal klublarining musobaqalarda ishtirok etishi uchun moliyaviy shartlar

7.1. Musobaqalarda faoliyat olib boruvchi hakamlar brigadasi, nazoratchilar hamda komissarlar uchun ikki tomonlama yo'lkira, yashash va ovqatlanish bilan bog'liq xarajatlar to'lovi O'zPFL hisobidan amalga oshiriladi. Mazkur to'lovlar o'rnatilgan tartibda amalga oshiriladi.

7.2. Markazlashgan tartibda tashkil etiladigan musobaqalar uchun sarf-harajatlar O'zPFL tomonidan amalga oshiriladi. Musobaqalarda ishtirok etuvchi mezbon futzal klubi O'zbekiston kubogi uchrashuvlarini tashkil etish bilan bog'liq barcha sarf-xarajatlarni o'z zimmasiga oladi.

7.3. O'zPFL o'zi tashkil etayotgan musobaqalarda faoliyat olib boruvchi barcha hakamlar, nazoratchilar hamda komissarlar xizmati uchun to'lovlarni zimmasiga oladi hamda naqdsiz to'lov orqali amalga oshiradi.

7.4. Musobaqalarda faoliyat olib boruvchi rasmiy shaxslar xizmati uchun to'lovlar O'zPFL Ijroiya qo'mitasi tomonidan belgilanadi.

7.5. Jarimalar bo'yicha qarzdorlikni to'lamagan yoki belgilangan muddatda to'liq to'lamagan klub O'zPFL Ijroiya qo'mitasi tomonidan O'zPFL qatnashchilari safidan chiqarilishi mumkin. Bunda futbol klubi jarimaga tortilgan bo'lsa va mazkur jarima 1 oy ichida to'lab berilmasa, ish tegishli qo'mitaga qayta oshiriladi hamda nisbatan jiddiyroq sanksiya qo'llaniladi. Shuningdek, jarimaga tortilgan jamoa rasmiysi yoki futzalchisi uchun klub 1 oy ichida belgilangan jarimani to'lab bermasa, jarimaga tortilgan shaxs litsenziyasi O'zPFL tomonidan qaytarib olinadi. Mazkur qarzdorlik mavsumning so'nggi o'yiniga qadar qoplab berilmasa, jamoa rasmiysi yoki futzalchisining qarzdorligi klub qarzdorligi sifatida qayd etiladi.

7.6. "Litsenziyalash reglamenti" talablariga ko'ra, klublar yilda ikki marta O'zPFL tomonidan jalb etilgan auditorlar tomonidan audit tekshiruvidan o'tkaziladi. Audit xizmati uchun to'lov klub tomonidan qoplanadi.

7.7. Klublar har chorakda keyingi oyning 25-sanasiga qadar moliyaviy hisobotni (buxgalteriya balansi, 1-shakl) hamda moliyaviy natijalar haqidagi hisobotni (2-shakl, sarf-xarajatlar va daromadlar tavsifi) O'zPFLga taqdim etishi lozim.

8-bob. Musobaqada ishtirok etish shartlari

8.1. Musobaqalarda ishtirok etuvchi jamoalarning Musobaqaga qo'shilishi yoki undan chiqib ketishi masalasi o'tgan mavsum musobaqalari natijasiga ko'ra aniqlanadi. Biroq klub Musobaqada qaysi o'rinni egallashidan qat'i nazar agar u litsenziyalash talablarini bajara olmasa, O'FA Litsenziyalash qo'mitasi litsenziyalash tahlillari asosida o'z xulosasini taqdim etishi hamda mazkur xulosa asosida klubni O'zPFL qatnashchilari safidan chiqarib tashlashni talab qilish huquqiga ega.

8.2. Musobaqa ishtirokchilari 2022/23 yilgi mavsumda ishtirok etishlari uchun 2022-yilning 31-mayiga qadar “Litsenziyalash reglamenti” talablarini bajarishlari shart.

8.3. “Litsenziyalash reglamenti”ga (yoki O’FA Ijroiya qo’mitasi qaroriga) ko’ra talab qilingan U-18 jamoasini tashkil qilmagan yoki ularning musobaqalardagi ishtirokini ta’minlay olmagan Oliy liga klubi 2022/23-yilgi mavsum uchun klublarni litsenziyalashdan o’tkazish talablaridan o’ta olmagan hisoblanadi. Mazkur jamoalarning 2022/23-yilgi Musobaqada ishtirok etishi masalasi O’FA tomonidan ko’rib chiqiladi.

8.4. Oliy liga klublarining U-18 jamoalari U-18 chempionatida ishtirok etishi shart. Birinchi liga klubi o’zining U-18 jamoasi bilan U-18 chempionatida ishtirok etishi mumkin. Buning uchun klub 2021-yilning 31-dekabriga qadar O’zPFL bilan aloqaga chiqishi va tashkilotni yozma ravishda xabardor qilishi lozim. Davlat va davlat ulushi bor tashkilot tomonidan moliyalashtiriladigan Oliy va Birinchi liga klubi o’z qoshida U-18 jamoasini tashkil etishi va uning musobaqalardagi ishtirokini ta’minlashi shart.

8.5. Mavsum natijalariga ko’ra yuqoriroq ligada ishtirok etish huquqini qo’lga kiritgan klub ushbu huquqdan voz kechsa yoki unda mazkur ligada ishtirok etish uchun Reglament asosida to’siq bo’lsa, uning o’rni mavsum yakuniga ko’ra keyingi o’rinni egallagan boshqa klub bilan to’ldiriladi. Bunda yangi qo’shilayotgan klub litsenziyalash talablariga javob berishi shart.

Hukumat qarori, “Litsenziyalash reglamenti” va/yoki O’FA Ijroiya qo’mitasi qarori asosida futzal klubini tashkil qilishi shart bo’lgan futbol klubining sport tamoyillariga zid ravishda quyi ligaga tushirilishi istagi/taklifi qabul qilinmaydi.

8.6. Tur uchrashuviga uzrsiz sabablarga ko’ra kelmagan yoki boshqa sababga ko’ra texnik mag’lubiyat qayd etilgan jamoaga shu turdagi ishtirok etmagan uchrashuvlari uchun 0:5 hisobidagi texnik mag’lubiyat, raqib jamoaga esa 5:0 hisobidagi texnik g’alaba yoziladi. Ikkita to’liq tur uchrashuvlariga teng miqdordagi o’yinlarda ishtirok etmagan va texnik mag’lubiyat yozilgan jamoa O’zPFL Ijroqo’mi qarori bilan qatnashchilar safidan chiqariladi.

Agar biror klub uchrashuvni davom ettirishdan bosh tortsa va o’sha vaqtda hisob 0:5 dan yirikroq ko’rinishda bo’lsa, uchrashuvni davom ettirishdan bosh tortgan klubga mavjud hisob bilan texnik mag’lubiyat yoziladi.

Agar uchrashuv yakuniga ko’ra biror klubga texnik mag’lubiyat yozish zaruriyati vujudga kelsa va o’sha jamoa uchrashuvda 0:5 hisobidan yirikroq mag’lubiyatga uchragan bo’lsa, texnik mag’lubiyat mavjud hisob bilan qayd etiladi.

8.7. Musobaqalardan chetlashtirilgan jamoa agar uchrashuvlarning 50 foizidan kamini o’tkazgan bo’lsa (Oliy ligada 16 o’yin va undan kam, Birinchi ligada 8 ta o’yin va undan kam), uning natijalari va urilgan gollar bekor qilinadi. Ogohlantirish va chetlashtirishlar o’z kuchini saqlab qoladi. Agar jamoa uchrashuvlarning 50 foizi va undan ko’pini o’tkazgan bo’lsa (Oliy ligada 17 o’yin va

undan ko'p, Birinchi ligada 9 o'yin va undan ko'p), bunday jamoaga qolgan uchrashuvlar uchun texnik mag'lubiyat (0:5), raqib jamoalarga esa texnik g'alaba (5:0) yoziladi. Ogohlantirish, chetlashtirish va urilgan gollar o'z kuchini saqlab qoladi.

Fors-major holati sabab musobaqa formatiga o'zgartirish kiritilgan bo'lsa, o'yinlar foizini aniqlash shu o'zgarishga asosan hisoblanadi.

8.8. Agar klub mazkur Reglamentga ko'ra O'zPFL tomonidan musobaqadan chiqarib yuborilsa, ammo faoliyatini davom ettirsa, u holda mazkur klubga O'zPFL oldidagi majburiyatlarini to'liq bajarish shartida kelasi mavsumni bitta quyi ligadan boshlash imkoniyati berilishi mumkin.

8.9. Agar klub faoliyatini tugatsa, u O'zPFL qatnashchilari safidan chetlashtiriladi. Har qanday boshqa klub shu klubning nomi, har qanday atributlari, belgilari, ramzlari va tarixidan foydalanishiga yo'l qo'yilmaydi. Agar mazkur klub faoliyatini qayta tiklasa, u holda o'z ishtirokini HA tomonidan o'tkaziladigan Ikkinchi liga musobaqasidan boshlashi kerak.

8.10. Professional futzal klubi O'zbekiston Respublikasi qonunchiligi asosida o'z nomi yoki tashkiliy-huquqiy shakli o'zgarsa, yangi klub avvalgi klubning huquqiy vorisi hisoblanadi va futzalchilar, murabbiylar, klubning boshqa xodimlari oldida oylik ish haqi hamda boshqa to'lovlar bo'yicha hisob-kitoblardagi buzilishlar uchun to'liq javobgar bo'ladi. Shuningdek, u O'FA, O'zPFL va O'zbekiston Respublikasi soliq organlari oldidagi qarzdorlikni to'lash uchun javobgar hisoblanadi. Keyinchalik ushbu klubning O'zPFL o'tkazadigan musobaqalarda ishtirok etishiga ruxsat O'zPFL Ijroiya qo'mitasi qarori bilan beriladi. Mazkur holatda klubning yangi egasi qarzdorlik masalasini hal qilish uchun javobgarlikni o'z zimmasiga olib, biroq qarzlardan qutulishga yangi mavsum startiga qadar ulgurmasa, u holda viloyat hokimining rasmiy kafolati ostida mazkur klubga musobaqada ishtirok etish uchun ruxsat berilishi mumkin.

8.11. Sport majmuasining yoritish tizimi "Stadionlar to'g'risidagi nizom"da keltirilgan talablarga javob bermasa va shu sport majmuasidagi uchrashuvda quyosh nurida o'yinni tashkil qilish havo haroratidan kelib chiqib futzalchilar salomatligiga salbiy ta'sir ko'rsatsa ("Meditsina Reglamenti"ga asosan), O'zPFL mazkur uchrashuvni yoritish tizimi talabga javob beradigan boshqa maydonda o'tkazish bo'yicha qaror chiqarishga haqli. Bu holatda mezbonlik bilan bog'liq mazkur Reglamentda ko'rsatilgan barcha majburiyatlar mezbon klubning o'zida qoladi (markazlashgan Musobaqa bundan mustasno).

8.12. Klub va shu klub qoshidagi farm-klub qayd etgan natijasidan qat'iy nazar bir musobaqada ishtirok etishiga yo'l qo'yilmaydi.

9-bob. Musobaqalar hujjatlari va ularni rasmiylashtirish tartibi

9.1. O'zPFL musobaqalarida ishtirok etuvchi klub dastlab shartli ravishda litsenziyalash/monitoring jarayonidan o'tishi lozim.

9.2. Ariza hujjatlarini rasmiylashtirish O'zPFL tomonidan belgilangan jadvalga muvofiq amalga oshiriladi. Ariza hujjatlarini rasmiylashtirish muddatlariga amal qilmaganlik uchun O'FAning "Intizom kodeksi"ga muvofiq jarima solinadi. Qayta ariza berishga jarima to'langanidan keyingina ruxsat beriladi.

9.3. Klubning O'zPFL bilan bog'liq hujjatlarini rasmiylashtirish huquqi klub rahbariyati tomonidan vakolatli shaxslarga (sport direktori, texnik direktor yoki litsenziyalash menejeri) beriladi.

9.4. Musobaqalarda ishtirok etish huquqini beruvchi litsenziya hujjatlari rasmiylashtirilganidan so'ng litsenziyalar klubning vakolatli vakiliga uning imzosi bilan tasdiqlangan shaxsiy mas'uliyati ostida taqdim etiladi.

9.5. "Litsenziyalash reglamenti"ga asosan klub o'zning quyidagi rahbariyati tarkibini O'zPFL ro'yxatidan o'tkazish shart: bosh direktor, bosh murabbiy (level 3), yordamchi murabbiy (level 2), darvozabonlar murabbiyi (level 1), jismoniy tayyorgarlik bo'yicha murabbiy (level 1), ma'mur, shifokor.

Agar jamoa bosh murabbiyida level 3 litsenziyasi mavjud bo'lmasa, klub mazkur mutaxassisni 2021/22-yilgi mavsum so'ngiga qadar level 3 litsenziyasi uchun o'quv kurslarida tahsil olishi yuzasidan kafolat taqdim etishi shart.

9.6. Davlat va davlat ulushi bor bo'lgan tashkilotlar tomonidan moliyalashtiriladigan klublari U-18 jamoasi murabbiyi bilan tuzilgan shartnomalarni O'zPFL ro'yxatidan o'tkazishi shart. Bunda asosiy jamoaning yordamchi murabbiyi level 2 litsenziyasiga ega bo'lgani holda U-18 jamoasi murabbiyi sifatida faoliyat olib borishiga ruxsat etiladi.

10-bob. Futzalchilar bilan tuzilgan mehnat shartnomalarini ro'yxatga olish tartibi

10.1. Futzalchilarni musobaqalarga ro'yxatdan o'tkazish 2021-yilning 2-avgustidan 2021-yilning 6-oktabr kuniga qadar davom etadi. Qishki transfer oynasi esa 2022-yilning 17-yanvaridan shu yilning 12-fevraliga qadar ochiq bo'ladi.

10.2. Futzal klubi futzalchi bilan yilning istalgan davrida shartnoma tuzish huquqiga ega. Mazkur shartnoma imzolangan kundan boshlab 1 oy ichida O'zPFL ro'yxatidan o'tkazilishi shart.

10.3. Futzalchini musobaqada ishtirok etishi uchun qo'shimcha ariza bilan ro'yxatga qo'shish mumkin. Talab etiladigan hujjatlar:

- o'tishi va shartnomasini tasdiqlovchi ilova;
- transfer shartnomasi (yoki ijara shartnomasi);
- futzalchi uchun mashg'ulot kompensatsiyasi to'langanligini dalillovchi ma'lumotnoma.

10.4. Klub o'z rasmiysi bilan tuzilgan mehnat shartnomasini bekor qilsa, O'zPFL uch kun ichida bu haqda yozma ravishda ogohlantirilishi hamda ozod etilgan shaxs litsenziyasi O'zPFLga topshirilishi lozim.

10.5. Futzal klubi qishki transfer oynasida 10 nafardan ortiq bo'lmagan yangi futzalchini ro'yxatdan o'tkazishi mumkin. Bunda klub tomonidan ijaraga olinayotgan futzalchi ham yangi futzalchi sifatida qayd etiladi.

10.6. Futzal/futbol klublari o'zlariga qarashli bo'lgan futzal/futbol akademiyasi/maktabi yoki shu klubga birlashtirilgan FMM, BO'FM tarbiyalanuvchilarini (2004 va undan keyin tug'ilgan), shuningdek, boshqa klub safida ro'yxatdan o'tmagan 2004 va undan keyin tug'ilgan futbolchini chegaralanmagan miqdorda yilning istalgan davrida O'zPFL ro'yxatidan o'tkazishlari mumkin.

10.7. Klub o'z akademiyasi/maktabi tarbiyalanuvchisini musobaqalar uchun futzalchilar soniga nisbatan belgilangan cheklovga qo'shimcha ravishda ro'yxatdan o'tkazishi mumkin. Biroq boshqa akademiya/maktab tarbiyalanuvchisi yoki 2004 yildan katta futzalchini ro'yxatga qo'shishda futzalchilar soniga nisbatan belgilangan cheklov chegarasidan chiqilmasligi kerak.

10.8. Futbol klubining futbol jamoasi safida ro'yxatdan o'tgan yoki shu klub bilan amaldagi shartnomasi mavjud bo'lgan futbolchining mazkur klub futzal jamoasida ro'yxatdan o'tishiga faqatgina transfer oynasi vaqtida ruxsat etiladi. Bunda mazkur futbolchining futzal jamoasiga qo'shilishi jamoa uchun futzalchilarni ro'yxatdan o'tkazish uchun taqdim etilgan kvotadan oshmasligi kerak.

10.9. Jarima sanksiyalari va boshqa qarzdorligi mavjud klublarga Musobaqalarda qatnashish uchun ariza hujjatlarini rasmiylashtirish uchun ruxsat berilmaydi.

10.10. Futzalchining tibbiy ko'rikdan o'tganligi borasidagi ma'lumotnoma taqdim etilmaganiga qadar, u bilan tuzilgan shartnoma ro'yxatdan o'tkazilmaydi. Bunda tibbiy ko'rik xulosalari O'zPFL komissiyasi tomonidan belgilab berilgan tartib bo'yicha olib borilishi va futzalchining har bir tekshiruv bo'yicha tahlili alohida-alohida xulosa bilan taqdim etilishi shart.

10.11. Ro'yxatdan o'tkazilmagan mehnat shartnomasi bilan bog'liq nizolar O'FA qoshida tashkil etiladigan Nizolarni hal etish palatasida ko'rib chiqiladi.

11-bob. Xorijlik futzalchilar va mutaxassislarni ro'yxatdan o'tkazish uchun alohida shartlar

11.1. O'zPFL musobaqalari uchun 4 nafargacha xorijlik futzalchini (keyingi o'rinlarda — legioner) ro'yxatdan o'tkazish mumkin.

11.2. Klub xorijiy mutaxassisni ro'yxatdan o'tkazmoqchi bo'lsa, uning litsenziyasi OFK talab qilgan shartlarga to'la mos kelishi shart.

11.3. Legioner futzalchiga litsenziya faqatgina tegishli organ tomonidan taqdim etiladigan mehnat faoliyati huquqini beruvchi tasdiqnoma qabul qilib olinganidan so'ng beriladi. Unga qadar legioner futzalchining Musobaqalarda harakat qilishi taqiqlanadi.

12-bob. O'zPFL ro'yxatidan o'tgan futzalchilarning musobaqalardagi ishtirokini tartibga solish

12.1. O'z klubi bilan tuzgan shartnomasi (kelishuv bitimi) sabab O'zPFL ro'yxatidan o'tgan futzalchining O'FA hamda O'zPFL ro'yxatidan o'tgan boshqa har qanday klub safida maydonga tushishi taqiqlanadi. Aks holda uning klubiga nisbatan jarima sanksiyasi qo'llaniladi.

Havaskorlar o'rtasidagi har qanday musobaqa tashkilotchisi turnir oldidan professional futzalchilar haqida ma'lumot so'rab rasman murojaat qilsa, O'zPFL o'zi ro'yxatdan o'tkazgan barcha professional futzalchi haqida ma'lumot taqdim etishi inobatga olinishi kerak.

12.2. Oliy liga klubi 15–25 nafar futzalchini O'zPFL ro'yxatidan o'tkazishi kerak.

12.3. U-18 chempionatida 2004-yildan katta 1 nafar futzalchining ishtirok etishiga ruxsat etiladi.

12.4. Oliy liga va Birinchi liga klublarining U-18 chempionatida ishtirok etuvchi jamoasi kamida 15 nafar shu yosh toifasidagi (2004) futzalchini ro'yxatdan o'tkazishi kerak.

12.5. Birinchi liga klubi 15–25 nafar futzalchini O'zPFL ro'yxatidan o'tkazishi kerak.

12.6. Ayollar chempionati jamoalari 15-25 nafar futzalchini O'zPFL ro'yxatidan o'tkazishi kerak.

12.7. Futzalchi o'zi ro'yxatdan o'tgan klubning asosiy tarkibidan boshqa jamoalarida maydonga tusha olmaydi (1 nafar futzalchining U-18 chempionatida ishtirok etishi bundan mustasno).

12.8. Klub bir klubga bir mavsumning o'zida 2 nafardan ortiq futzalchini ijaraga berishi mumkin emas. Shuningdek, klub bir mavsum davomida umumiy hisobda 6 nafardan ko'p futzalchini o'zi ishtirok etayotgan liganing boshqa klubiga ijaraga berishi mumkin emas (2004-yil va undan keyin tug'ilgan futzalchilar mazkur limitdan mustasno hisoblanadi).

12.9. Futzalchi ijaraga berilgan taqdirda u o'zining asl shartnomasi mavjud bo'lgan klubga qarshi o'ynashga haqli. Ijara shartnomasi muayyan summa evaziga tuzilgan bo'lsa, u holda mazkur bandga zid keluvchi shart qo'yish taqiqlanadi.

12.10. U-18 chempionatida to'p suruvchi futzalchi bilan yil oxirigacha bo'lgan mehnat shartnomasi yoki kelishuv bitimi imzolanishi kerak. U-18 jamoasi tarkibida ro'yxatdan o'tgan futzalchi shu jamoaning Oliy liga yoki Birinchi liga

musobaqasidagi asosiy jamoasi tarkibida yilning istalgan davrida maydonga tushishi mumkin. Buning uchun U-18 jamoasi a'zosi bilan professional mehnat shartnomasi tuzilishi kerak.

13-bob. O'zPFL komissarining Musobaqalardagi faoliyati

13.1. Uchrashuvni tashkil etish va o'tkazishni nazorat qilish uchun O'zPFL komissari tayinlanadi.

13.2. Uchrashuvni boshlash yoki uni o'tkazmaslik masalasi bevosita O'zPFL komissari tomonidan hal qilinadi.

13.3. O'zPFL komissarlari ro'yxati maxsus o'quv-seminarida ishtirok etib, uning yakuniga ko'ra tavsiya etilgan O'FA, O'zPFL hamda O'zPFLning hududiy vakillari orasidan shakllantiriladi hamda O'zPFL bosh direktori tomonidan tasdiqlanadi.

13.4. O'zPFL komissarini uchrashuvga tayinlash O'zPFL bosh direktori tomonidan amalga oshiriladi.

13.5. O'zPFL komissari Musobaqa startidan kamida 30 daqiqa avval zaxira hakami va klub rasmiysi bilan birgalikda uchrashuv qaydnomasiga futzalchilarning ismi-familiyasi va raqamlarini (o'sish tartibida), shuningdek, rasmiy shaxslarni lavozimini ko'rsatgan holda kiritishi kerak.

13.6. O'zPFL komissari uchrashuvni mazkur Reglamentga muvofiq tashkil etish, xavfsiz o'tkazilishini nazorat qilish, xuquq-tartibot organlari, sport majmuasi va klublar rasmiylari, futzalchilar, tomoshabinlar harakatlarini baholash uchun mas'ul hisoblanadi.

13.7. O'zPFL komissari uchrashuvga tayyorgarlik ko'rish va o'tkazish borasida bahsli masalalar yuzaga kelgan hollarda xal etuvchi ovozga ega.

13.8. Nazoratchi va hakamlar brigadasi O'zPFL komissariga bo'ysunadi.

13.9. O'zPFL komissarlari "Futzal yaxlitligini himoya qilish bo'yicha deklaratsiya"ni imzolaganidan keyingina Musobaqaga qo'yiladi.

13.10. O'zPFL komissari bilan bog'liq majburiyatlar va komissarlikka oid vakolatlar "Komissar yo'riqnomasi"da aks etadi.

14-bob. Musobaqalarda hakamlik qilish

14.1. Hakamlik mazkur Reglament, "Futzal o'yini qoidalari" (2020/2021-yillarda chiqarilgan), shuningdek, IFAB tomonidan qabul qilingan o'zgartish va qo'shimchalar asosida amalga oshiriladi.

14.2. Musobaqalarda hakamlik qilishga O'FA Hakamlik-inspektorlik qo'mitasi tomonidan tavsiya etilgan hakamlar qo'yiladi.

14.3. O'FA va O'zPFL shtat xodimlari, hududiy futbol assotsiatsiyalari rahbarlari, shuningdek, futzal klublarida faoliyat olib boruvchi shaxslarning hakamlik qilishiga yo'l qo'yilmaydi.

14.4. Oliy liga, Birinchi liga, O'zbekiston kubogi, Superkubok, ayollar chempionati kabi uchrashuvlarga hakamlar O'FA Futbol faoliyatini nazorat qilish maxsus inspeksiyasi bilan kelishilgan holda O'FA Hakamlar bo'limi tomonidan tayinlanadi. Mazkur tayinlov hakamlarga haq to'lash nuqtai nazaridan kelib chiqib, O'zPFL bosh direktori tomonidan tasdiqlanadi.

14.5. Jamoalarning uchrashuvga tayinlangan hakamlarni almashtirish borasidagi murojaatlari qabul qilinmaydi.

14.6. Agar uchrashuvga tayinlangan hakamlar brigadasi uchrashuvga yetib kela olmagan bo'lsa, O'FA Hakamlar bo'limi uchrashuvga HAning malakali hakamlaridan birini tayinlaydi.

14.7. Uchrashuv boshlanishidan kamida bir soat oldin bosh hakam O'zPFL komissari bilan birga futzal maydonini ko'zdan kechiradi va uning sifatini 5 ballik tizimda baholaydi. Mazkur baho o'yin qaydnomasida ko'rsatiladi. Baholash jarayonida maydon bilan bog'liq muammo yuzaga kelsa, mezbon tomon mazkur muammoni uchrashuv startigacha hal qilishi shart.

14.8. Zaxira hakami va O'zPFL komissari klub rasmiylarining hujjatlarini tekshiradi. Ular jamoa rahbarlari bilan birgalikda futzalchilarni uchrashuvga qo'yish qoidalariga rioya qilinishi uchun mas'uldir.

14.9. Maydonga chiqishdan avval hakamlar brigadasi uchrashuv qaydnomasiga kiritilgan futzalchilar litsenziyalarini tekshirishi, shuningdek, futzalchilarning raqamlari uchrashuv qaydnomasiga mos ekanini solishtirishi lozim.

14.10. Zaxira hakami maydon perimetri bo'ylab texnik va boshqa zonalarga oid xavfsizlik qoidalariga rioya qilinishi uchun mas'uldir.

14.11. Uchrashuv yakunlangandan so'ng bosh hakam O'zPFL komissari bilan birga 30 daqiqa davomida uchrashuv qaydnomasini to'ldirishi lozim. Agar uchrashuv davomida ogohlantirishlar, chetlashtirishlar va futzalchilarning jarohatlari, shuningdek, sport majmuasida tartibbuzarliklar yuz bergan bo'lsa, bosh hakam O'zPFL komissari bilan birgalikda bu haqda batafsil uchrashuv qaydnomasida bayon etishi kerak.

14.12. Uchrashuvdan oldin, uchrashuv davomida va uchrashuvdan keyin, shuningdek, hakamlar xonasida yoki hakamlar brigadasining yo'lida yuz bergan barcha noxushliklar va chetlashtirishlar (ikkinchi ogohlantirish va "yaqqol gol urish uchun imkoniyatidan mahrum qilish" uchun chetlashtirish bundan mustasno) haqida bosh hakam va uning yordamchilari O'zPFL komissarini ogohlantirib, O'zPFL bosh direktori nomiga bildirgi xati yuborishi shart.

14.13. Hakam uchrashuvda yuz bergan ogohlantirish yoki chetlashtirish, boshqa noxushliklar haqida ma'lumotni qaydnomaga kiritishni O'zPFL komissariga

bildirmagan bo'lsa, u O'FA "Intizom kodeksi"ga muvofiq uchrashuvlarni olib borishdan chetlashtiriladi.

14.14. O'FA va O'zPFL o'zaro kelishgan holda Musobaqaga xorijlik hakamlar yoki hakamlar guruhini jalb qilishga haqli.

14.15. Hakamlar brigadasi O'zPFL komissariga bo'ysunadi.

15-bob. Musobaqalarda nazoratchilik qilish

15.1. Musobaqalarda nazoratchilik qilishga O'FA Hakamlik-inspektorlik qo'mitasi tomonidan tavsiya etilgan nazoratchilar qo'yiladi.

15.2. Jamoalarning uchrashuvga tayinlangan nazoratchini almashtirish haqidagi murojaati qabul qilinmaydi.

15.3. Nazoratchi mazkur Reglament, "Futzal o'yini qoidalari" (2020–2021-yillarda chiqarilgan), shuningdek, IFAB tomonidan qabul qilingan o'zgartish va qo'shimchalar, "Futzal bo'yicha musobaqalarda hakamlik sifati uchun hakamlarni baholash bo'yicha yo'riqnoma" talablariga qat'i rioya etishi shart.

15.4. O'zPFL komissari bo'lmagan uchrashuvlarda nazoratchi sport majmuasi va tegishli xizmatlarning uchrashuvni o'tkazishga tayyor ekani, shuningdek, mazkur Reglamentda o'yin o'tkazish uchun talab qilingan boshqa hujjatlar mavjudligini tekshirishi lozim. Agar ushbu hujjatlar bo'lmasa yoki mazkur Reglament talablari bajarilmasa, nazoratchi klub direktori va sport majmuasi direksiyasidan aniqlangan kamchiliklarni zudlik bilan bartaraf etish, sport majmuasini uchrashuvga tayyorlashni talab qilishi zarur.

15.5. Uchrashuvdan oldin, uchrashuv davomida va uchrashuvdan keyingi chetlashtirishlar (ikkinchi ogohlantirish va "oxirgi umid foli" uchun chetlashtirish bundan mustasno), shuningdek, hakamlar xonasida yoki hakamlar brigadasining yo'lida yuz bergan barcha noxushliklar, hakamlikning sifati bo'yicha e'tiroz yoki shikoyatlar keltirilishi haqida nazoratchi O'zPFL bosh direktori nomiga bildirishnoma taqdim qilishi kerak.

15.6. Nazoratchilik sifati Hakamlik-inspektorlik qo'mitasining Tahlil komissiyasi tomonidan baholanadi. O'zPFLda saqlanuvchi nazoratchi bildirgisi Tahlil komissiyasi tomonidan tekshirilganidan so'ng, uning xulosasi hakamlar va nazoratchilar tomonidan bajarilgan ishlar yuzasidan moliyaviy tabelga o'z ta'sirini ko'rsatadi.

15.7. Nazoratchi uchrashuv yakunidan so'ng 48 soatdan kechiktirmay O'zPFLga o'rnatilgan shakldagi bildirgini elektron tarzda yetkazishi shart.

15.8. Nazoratchi O'zPFL komissariga bo'ysunadi.

16-bob. Hakamlar qaroriga shikoyat yoki e'tiroz berish tartibi

16.1. Hakamlarning qarorlari bo'yicha shikoyat yoki e'tiroz mazkur Reglamentga muvofiq beriladi va ko'rib chiqiladi.

16.2. Agar hakamlikning sifatiga nisbatan jamoalarning birida e'tirozlar mavjud bo'lsa, bosh murabbiy yoki klub direktori uchrashuv yakuniga yetganidan keyingi 20 daqiqa ichida bu haqda uchrashuv komissariga ma'lum qilishi zarur. Hakamlik sifati bo'yicha e'tirozlar O'zPFL komissari tomonidan uchrashuv qaydnomasida qayd etiladi va jamoa vakili tomonidan imzolanadi. Shundan so'ng 24 soat ichida ko'rsatilgan uchrashuvning videoyozuvi (uchrashuvdagi aniq holatlarning daqiqalari keltirilgan vaziyatning qisqacha ta'rifi) O'zPFLga taqdim etiladi (uchrashuv video yozuvining bo'lishi uchun shikoyat qilayotgan klubning o'zi mas'ul hisoblanadi). Bunda hakamning mazkur Reglament va "O'yin qoidalari" talablaridan kelib chiqqan harakat yoki harakatsizlikka nisbatan e'tiroz beriladi. Uchrashuv qaydnomasi O'zPFL komissari, nazoratchi va bosh hakam tomonidan imzolab bo'lingach, shikoyat va e'tirozlar qabul qilinmaydi.

16.3. Quyidagilar ko'rib chiqilmaydi:

- belgilangan muddatda kiritilmagan shikoyat yoki e'tirozlar;
- uchrashuv qaydnomasida qayd etilmagan shikoyat yoki e'tiroz;
- 48 soat davomida klub shikoyat yoki e'tiroz uchun pullik to'lovni amalga oshirmagan shikoyat yoki e'tiroz.

16.4. Shikoyat yoki e'tiroz mazmunida uni kiritish uchun asos bo'lgan sabablar, shuningdek, Reglamentning buzilishi va/yoki futzal o'yini qoidalariga rioya qilmaslik bilan bog'liq tafsilotlar keltirilishi lozim.

16.5. Uchrashuv o'tkazishni tashkil etish bilan bog'liq shikoyat yoki e'tiroz O'zPFL komissariga uchrashuv boshlanishidan kamida 30 daqiqa oldin yozma ravishda taqdim etiladi hamda O'zPFL komissari mazkur e'tiroznomani uchrashuv bildirgisiga ilova qiladi. O'yin holati bo'yicha e'tiroz esa komissar tomonidan uchrashuv qaydnomasiga yoziladi.

16.6. Uchrashuv o'tkazishni tashkil etish bilan bog'liq shikoyat yoki e'tiroz keltirilgani haqida raqib jamoa/sport majmuasi rasmiysi ogohlantirilishi va shikoyatning bir nusxasi unga taqdim etilishi kerak.

16.7. Uchrashuv bilan bog'liq shikoyat yoki e'tirozlarni ko'rib chiqish uchun shikoyat beruvchi tomonidan quyida keltirilgan miqdorda pullik to'lov O'zPFL hisob-raqamiga kelib tushganidan so'ng, O'zPFL shikoyat yoki e'tirozni tegishli qo'mitasida ko'rib chiqish uchun O'FAGA oshiradi. Shikoyat yoki e'tiroz mazkur shikoyat uchun to'lov amalga oshganidan keyingi 7 kun muddat ichida ko'rib chiqiladi. Uchrashuv bilan bog'liq shikoyat yoki e'tirozlarni ko'rib chiqish uchun 3 000 000 (uch million) so'm miqdorida to'lov amalga oshiriladi.

16.8. Shikoyat yoki e'tiroz mazmuni uchrashuv videoyozuvi va qaydnomasi, shuningdek, O'zPFL komissari, hakamlar va nazoratchi bildirgisida aks etgan ma'lumotlar bilan asoslanishi kerak.

16.9. Shikoyat yoki e'tirozlarni ko'rib chiqish uchun amalga oshirilgan pullik to'lovning qaytarilishiga shikoyat yoki e'tirozning qanoatlantirilishi, shikoyat yoki e'tirozda keltirilgan tafsilotlarning asoslangan va mazkur Reglamentga zid ekanligining tan olinishi asos bo'ladi.

16.10. Klub o'z shikoyat yoki e'tirozi ko'rib chiqilishi uchun to'lovni uchrashuvdan keyingi besh bank ish kuni ichida amalga oshirmasa va bu vaqtda shikoyat yoki e'tiroz qaytarib ham olinmagan bo'lsa, mazkur klub shu bobning 16.7-bandida ko'rsatilgan to'lov miqdorining teng yarmini jarima sifatida to'lab beradi.

16.11. Agar futzal klubi kiritgan e'tiroz yoki shikoyatini 48 soat ichida qaytarib olsa, klubga nisbatan intizomiy choralar qo'llanilmaydi.

17-bob. Futzal uchrashuvlarini o'tkazish tartibi

17.1. Klub bir kun davomida bittadan ortiq o'yinda ishtirok etishi mumkin emas.

17.2. Uchrashuvlar davomiyligi 20 daqiqadan (toza vaqt) 2 taym bo'ladi. Taymlar orasidagi tanaffus 10-15 daqiqa. Kubok uchrashuvlari qo'shimcha taymlarga qadar cho'zilsa, uchinchi va to'rtinchi taymlarning har biri 5 daqiqadan, ular orasidagi tanaffus esa 2 daqiqadan iborat bo'ladi. Shundan keyin ham g'olib aniqlanmasa, o'yin qoidalari asosida jamoalar 6 metrlik nuqtadan darvozaga 5 tadan zarba yo'llaydi. Shundan keyin ham g'olibni aniqlashning imkoni bo'lmasa, seriya g'olib aniqlangunicha davom etadi.

17.3. Uchrashuv oldi jarayoni quyidagilarni o'z ichiga oladi (uchrashuv startigacha):

- 120 daqiqa — O'zPFL komissarining sport majmuasiga kelishi;
- 60 daqiqa — inspektor va hakamlarning kelishi;
- 60 daqiqa — jamoalarning kelishi;
- 30 daqiqa — uchrashuv qaydnomasini to'ldirish, futzalchilarning litsenziyalarini solishtirish;
- 20-10 daqiqa — chigalyozdi mashg'ulotlari;
- 10 daqiqa — futzalchilar libosi va ulardagi belgilar tekshiruvi, raqamlarning litsenziyaga muvofiqligi;
- 3 daqiqa — jamoalarning tribuna osti yo'lakchasida saflanishi.

Klublar O'zPFL tomonidan taqdim etilgan Countdown tartibiga qat'i rioya qilishi lozim.

17.4. Musobaqa ishtirokchilari O'zPFL tomonidan bepul taqdim etilgan professional futzal to'plaridan foydalanishi shart. Mavsum startidan oldin O'zPFL Oliy liga jamoalariga 10 tadan, Birinchi liga va ayollar jamoalariga 5 tadan to'p taqdim etadi.

17.5. Uchrashuv boshlanishidan 30 daqiqa avval klub rasmiysi elektron qaydnomaga futzalchilarning ismi-familiyasi va raqamlarini o'sish tartibida, rasmiy

shaxslarning ismi-familiyasi va lavozimini litsenziyada ko'rsatilgani bo'yicha kiritish uchun uchrashuv komissariga futbolchi va rasmiy shaxslar litsenziyasini taqdim etishi lozim.

17.6. Musobaqa ishtirokchilari uchrashuv qaydnomasiga 5 nafar asosiy va 9 nafar zaxira futbolchisini kiritishi mumkin. Shuningdek, qaydnomadan O'zPFL litsenziyaga ega bo'lgan 5 nafargacha rasmiy shaxs joy olishi mumkin. Rasmiy shaxslar orasida klub shifokorining bo'lishi majburiydir. Zaxira o'rindig'iga uchrashuv qaydnomasida bo'lmagan shaxs qo'yilmaydi.

17.7. Uchrashuv qaydnomasiga diskvalifikatsiya qilingan futbolchini kiritgan jamoaga:

- g'alaba qozonsa yoki o'yin durang bilan yakuniga yetsa, unga 0:5 hisobidagi texnik mag'lubiyat yoziladi hamda klubga O'FA Intizom kodeksiga muvofiq jarima solinishi mumkin. Raqib jamoaga esa 5:0 hisobidagi texnik g'alaba yoziladi. Shu bilan birga, ushbu uchrashuvda urilgan gollar bekor qilinadi, olingan ogohlantirish va chetlashtirishlar o'z kuchida qoladi;
- jamoa mag'lub bo'lgan taqdirda ogohlantirish va chetlashtirish o'z kuchida qoladi va jamoaga 0:5 hisobida mag'lubiyat yoziladi (O'FA Intizom kodeksiga muvofiq jarima solinishi mumkin). Agar o'yin hisobi 0:5 dan yirikroq bo'lsa, texnik mag'lubiyat mavjud hisob bilan qayd etiladi;
- bunday hol takrorlansa, O'FA tegishli qo'mitasi mazkur holatni o'rganib chiqadi va o'z xulosasini taqdim etadi;
- uchrashuv qaydnomasiga sport majmuasi hududiga yetib kelmagan futbolchini kiritish taqiqlanadi. Sport majmuasiga kechikib yetib kelgan futbolchini qaydnomaga uchrashuvga 15 daqiqa qolguniga qadar kiritish mumkin. Buning uchun klub rasmiysi uchrashuv komissariga murojaat qilishi kerak.

17.8. Nominal mezbon qaydnomani birinchi bo'lib to'ldiradi. Jamoa nomidan qaydnomani imzolashga uchrashuv qaydnomasiga kiritilgan bosh murabbiy yoki yordamchi murabbiy haqlidir. Qaydnomada klub shifokorining ham imzosi bo'lishi shart. Aks holda jamoaga nisbatan jarima intizom chorasi qo'llaniladi.

17.9. Jamoa uchrashuvga belgilangan vaqtdan kechikib kelsa, o'yin komissari uchrashuvni o'z vaqtida o'tkazish uchun barcha choralarni ko'rishi zarur. Agar uchrashuvni belgilangan vaqtda o'tkazishning imkoni bo'lmasa, O'zPFL komissiyasi barcha tafsilotlarni o'rganib chiqib, so'ng ushbu uchrashuv bo'yicha qaror qabul qiladi. Jadvalda belgilangan uchrashuv kechiktirilishida aybdor klub O'FA "Intizom kodeksi"ga muvofiq jarimaga tortiladi. Jamoalardan biri o'yin boshlanish vaqtidan 30 daqiqa kechiksa, mazkur jamoaga nisbatan 0:5 hisobidagi texnik mag'lubiyat yoziladi.

17.10. Litsenziya uchrashuvda ishtirok etish va tegishli zonaga kirish huquqini beruvchi yagona hujjat hisoblanadi. Bunda litsenziya egasi uchrashuv qaydnomasiga kiritilgan bo'lishi shart.

17.11. Uchrashuv startidan oldin jamoalar sardorlari bosh hakam yordamida to'p va darvoza masalasini hal qiladi. Bunda jamoa qaysi darvozani qo'riqlasa, shu jamoaning zaxira o'rindig'i aynan o'sha tarafda bo'lishi shart. Qaydnomaga kiritilgan shaxslarning ko'ksida texnik zonaga kirishga ruxsat beradigan litsenziya bo'lishi lozim.

17.12. Zarur hollarda uchrashuv qaydnomasiga kiritilmagan tarjimon texnik zonaga kirishi mumkin. Bunda tarjimon uchrashuv komissarining ruxsati bilangina texnik zonaga kiritiladi.

17.13. Zaxira o'rindig'ida o'tirgan shaxslar tomonidan tamaki va boshqa turdagi mahsulotlarni chekish va spirtli ichimliklar iste'mol qilish taqiqlanadi. Shuningdek, mobil aloqa vositalaridan foydalanish taqiqlanadi (maxsus ruxsat etilgan radioaloqa vositalari bundan mustasno).

Jamoa bosh murabbiyi texnik zonada shippak, short hamda yengsiz futbolda bo'lishi taqiqlanadi.

17.14. Uchrashuvlar O'zPFL tomonidan belgilangan muddat va vaqtlarda o'tkaziladi. Ularning vaqti (kun va soat) quyidagi hollarda o'zgartirilishi mumkin:

- oldindan taxmin qilishning imkoni bo'lmagan fors-major vaziyat va hodisalarning yuzaga kelishi natijasida uchrashuvni o'tkazish, boshlash, davom ettirish, qayta boshlash va tugatish imkoni bo'lmaganida. Bunday hodisalar qatoriga avariya, yong'in, suv toshqin, zilzila, epidemiologik va boshqa tabiiy ofatlar, shuningdek, musobaqa tashkilotchilari va futzalchilarga bog'liq bo'lmagan har qanday boshqa tafsilotlar kiradi. Bunday holatlarda uchrashuvning qachon davom ettirilishi masalasi O'zPFL tomonidan belgilanadi. Uning qay tartibda davom etishi "Futzal o'yini qoidalari–2021" asosida tartibga solinadi;
- musobaqa jadvaliga O'zPFL tomonidan o'zgartirish kiritilganida.

17.15. Elektr yoritish tizimi ishdan chiqishi yoki elektr yoritish tizimidagi muammo bir soat ichida bartaraf etilmagani uchun uchrashuvni boshlash, davom ettirish, qayta boshlash va tugatish imkoni bo'lmasa, sport majmuasining texnik holati va elektr yoritish tizimi ishdan chiqishi sababi bilan maydon egasi bo'lgan klubga texnik mag'lubiyat yoziladi (markazlashgan musobaqalar bundan mustasno).

17.16. Ma'lum Musobaqa uchrashuvida olingan sariq kartochkalar faqatgina shu Musobaqa uchun amalda bo'ladi. Musobaqa davomida sariq kartochkalari soni 4 taga yetgan shaxsni shu Musobaqaning keying rasmiy uchrashuvi qaydnomasiga kiritish mumkin emas. O'zbekiston kubogi musobaqasida esa sariq kartochkalari soni 2 taga yetgan shaxs shu musobaqaning navbatdagi uchrashuvi qaydnomasiga kiritilishi mumkin emas.

Ketma-ket 4 ta sariq kartochka olingani sababli uchrashuvlarni o'tkazib yuborish holati bir shaxs tomonidan ikki yoki undan ortiq marta takrorlansa, uning jamoasiga nisbatan jarima intizom sanksiyasi qo'llaniladi.

17.17. Musobaqaning bir uchrashuvidan ketma-ket ikki sariq kartochka sabab chetlashtirilgan shaxs keyingi rasmiy uchrashuv qaydnomasiga kiritilishi mumkin emas. Bunda asosiy jamoaning bir uchrashuvidan ketma-ket ikki sariq kartochka sabab maydondan chetlashtirilgan shaxs U-18 chempionati doirasidagi rasmiy o‘yin qaydnomasiga kiritilmagan taqdirda ham, asosiy tarkibning navbatdagi uchrashuvi qaydnomasiga kiritilishga haqli emas.

U-18 chempionatidagi bitta uchrashuvdan ketma-ket ikki sariq kartochka sabab maydondan chetlashtirilgan shaxs, jamoa asosiy tarkibining navbatdagi uchrashuvi qaydnomasiga kiritilishi mumkin emas. U, shuningdek, U-18 jamoasining navbatdagi uchrashuvini ham o‘tkazib yuborishi shart. Ya’ni, har ikki holatda ham ikki sariq kartochka sabab chetlashtirilgan shaxs, aynan shu musobaqaning 1 ta rasmiy uchrashuvini o‘tkazib yuborishi lozim.

Bir uchrashuvdagi ikki sariq kartochka sabab maydondan chetlashtirilgan shaxs jamoasining navbatdagi rasmiy uchrashuvi O‘zbekiston kubogiga to‘g‘ri kelsa, u mazkur o‘yin qaydnomasiga kiritilmaydi va undan keyingi rasmiy uchrashuvda ishtirok etish taqiqi olib tashlanadi.

O‘zbekiston kubogi musobaqasining istalgan o‘yinida ikki sariq kartochka sabab maydondan chetlashtirilgan shaxs kubok yoki chempionat doirasidagi 1 ta rasmiy uchrashuv qaydnomasiga kiritilmaydi. Shuningdek, mazkur shaxs o‘sha 1 ta rasmiy uchrashuv o‘tguniga qadar U-18 chempionati uchrashuvida ham ishtirok eta olmaydi.

17.18. Uchrashuv davomida to‘g‘ridan-to‘g‘ri qizil kartochka olgan shaxs ishi Tartib-intizom qo‘mitasiga oshiriladi hamda u minimum ikki rasmiy uchrashuvni o‘tkazib yuboradi (so‘nggi umid foli uchun chetlashtirish bundan mustasno). Tartib-intizom qo‘mitasi qarori chiqqunicha yoki chiqqan qaror muddati o‘tguniga qadar mazkur shaxs hech bir uchrashuvda ishtirok eta olmaydi.

18-bob. Futzal klublari, klublar rahbarlari va futzalchilarning majburiyati

18.1. Futzal klublari o‘zlarining ushbu Reglamentda belgilangan majburiyatlarini bajarmaslik yoki lozim darajada bajarmaganligi uchun javobgar hisoblanadi.

18.2. Futzal klublari, klublar rahbarlari, rasmiy shaxslari, futzalchilar va klublarning musobaqalarda ishtirok etuvchi boshqa xodimlari (keyingi o‘rinlarda — klub rasmiy shaxslari) yuqori darajadagi intizom, tartibli, uyushqoqlik, o‘zaro va tomoshabinlarga nisbatan hurmatni namoyish etib, ushbu Reglamentning barcha talablariga rioya qilishlari shart.

18.3. Klub o‘z jamoasi a‘zolarining xulq-atvori uchun bevosita mas’uldir. Ular uchrashuv komissari, inspektori va hakamlarining (keyingi o‘rinlarda — uchrashuv rasmiy shaxslari) harakatlariga aralashishi taqiqlanadi.

18.4. Futzal klublari o'zlarining tomoshabinlari (jamoa muxlislari), shuningdek, klub nomidan biror-bir uchrashuvda muayyan vazifani bajarayotgan har qanday shaxs xulqi uchun ham javobgardir.

18.5. Klublar rasmiylari hamda sport majmuasi rasmiylari uchrashuv o'tkazilishi bilan bog'liq zarur tashkiliy masalalarni hal etish uchun mas'uldir. Ular uchrashuv xavfsizligi hamda tez tibbiy yordam uchun mas'ul organlar bilan hamkorlikda uchrashuvdan oldin, uchrashuv davomida va uchrashuvdan keyin sport majmuasida, unga tutashgan hududda intizom hamda jamoatchilik tartibini saqlash uchun barcha zarur choralarni ko'rishlari shart.

18.6. Futzal klublari o'ziga nisbatan chiqarilgan ogohlantirish va chetlatishlarni qayd etish jurnaliga ega bo'lishi kerak. Diskvalifikatsiyasi bor futzalchining maydonga tushirilgani uchun klub bevosita javobgar hisoblanadi.

18.7. Futzal klublari xalqaro turnir yoki xorijdagi o'quv-mashg'ulot yig'inlarining muddati va joyi aniq bo'lishi bilan bu haqda O'zPFLni xabardor qilishlari shart.

18.8. Mezbon jamoa Musobaqalarning rasmiy kalendar uchrashuvi boshlangunga qadar 20 kundan kech bo'lmagan muddatda O'zPFL ma'muriyatiga uchrashuvning boshlanish vaqti borasida taklif berishi zarur. O'zPFL uchrashuv vaqtini teletranslyatsiya huquqini qo'lga kiritgan kompaniya bilan kelishib belgilaydi.

18.9. Markazlashgan musobaqalar sanalari qat'iy bo'lib, uni o'zgartirish huquqi faqatgina O'zPFLda mavjud. Klub uchrashuv soatini o'zgartirmoqchi bo'lsa, tegishli so'rov batafsil asoslangan yozma shakldagi murojaat bilan kalendar bo'yicha rejalashtirilgan muddatdan kamida 3 kun oldin O'zPFLga yuborilishi zarur.

18.10. Uchrashuv mezboni bo'lgan klubga quyidagi majburiyatlar yuklatiladi:

- hakamlar brigadasini kiyinish xonasidan maydonga chiqishgacha va maydondan chiqishdan kiyinish xonasigacha, shuningdek, o'yindan oldin, o'yindan keyin hamda tanaffus paytida kamida 2 kishidan iborat jamoat tartibini saqlash organlari xodimlarining kuzatuvini ta'minlash;
- hakamlar xonasida begona shaxslarning bo'lishiga yo'l qo'ymaslik (uchrashuvda ishlaydigan hakamlardan tashqari ushbu xonaga O'zPFL komissari va u tomonidan ruxsat etilgan shaxslargagina kirish uchun izn beriladi);
- rasmiy uchrashuv uchun O'zPFL tomonidan taqdim etilgan kamida 5 ta to'p taqdim etish;
- Musobaqalarda O'zPFL madhiyasi komissar belgilab bergan vaqtda qo'yilishi shart.

18.11. Mezbon jamoa mehmon jamoaga quyidagilarni bepul taqdim etadi:

- rasmiy uchrashuv oldidan bir marta mashg'ulot o'tkazish uchun musobaqa o'tadigan sport majmuasining futzal maydonini;

- rasmiy uchrashuv oldidan o'tkaziladigan mashg'ulot davomiyligi mashg'ulot jarayonigacha bo'lgan tadbirlardan tashqari 60 daqiqani tashkil qilishi kerak.

18.12. Kubok uchrashuvlarida mezbon jamoa uchrashuv rasmiy shaxslarini shahar doirasida vokzal yoki aeroportdan mehmonxonagacha borishlari va qaytishlari, mashg'ulotlar o'tadigan kunlari mehmonxonadan sport majmuasigacha borishlari va qaytishlari uchun transport bilan ta'minlashi kerak.

18.13. Kubok uchrashuvlarida mezbon jamoa (O'zPFL talabiga ko'ra mehmonlar ham) o'yin tugashi bilan 2 soat ichida O'FA inspektoriga hamda 2 kun muddat ichida O'zPFLga uchrashuvning raqamli shakldagi videoyozuvini talab qilingan formatda taqdim etishi shart. Bunda jamoalarning maydonga chiqish paytidan to kiyinish xonasiga qaytishlarigacha shartli ravishda taymer yoqilgan holda butun uchrashuv davomida uzluksiz suratga tushirilishi zarur.

18.14. Favqulodda holatlarda hamda epidemiologik vaziyatlarda musobaqalarning tashkiliy masalalari qo'shimcha Reglament bilan tartibga solinadi.

18.15. Reglamentga rioya qilmaganligi uchun futzal klublariga nisbatan O'FAning "Intizom kodeksi"ga muvofiq O'zPFL tomonidan jarima sanksiyalari qo'llaniladi.

19-bob. Musobaqa ishtirokchilarining liboslariga qo'yiladigan talablar

19.1. Musobaqa ishtirokchilarining futbolkasiga futzal klubining ramzi tushiriladi. Ramzning o'lchamlari 100 sm² bo'lib, u futbolkaning tepa qismi chap tarafida joylashadi. Klub har beshinchi chempionlik maqomiga ega bo'lganida klub ramzining tepa qismida bir dona oltin yulduz ramzini aks ettirish huquqiga ega.

19.2. Futbolkaning o'ng yengida O'zPFL logotipi, chap yengida esa O'zPFL tomonidan taqdim etilgan Musobaqa titul homiysining ramzi bo'lishi lozim.

19.3. Futbolka orqa tomonining tepa qismida O'zPFL litsenziyasi va ariza varaqasida ko'rsatilgan (balandligi 5–8 sm. "Jersey M54" shriftida) futzalchining familiyasi (ismi yoki tahallusi) aks etgan yozuv hamda futzalchining litsenziyasida ko'rsatilgan futbolka raqami (balandligi 25–35 sm "Jersey M54" shriftida) bo'ladi. Shortining o'ng tomonida futzalchining futzalkasidagi raqam aks ettiriladi (balandligi 10–15 sm).

Aralash rangli futbolkada familiya (ism yoki taxallus) va raqam alohida rangdagi to'g'ri to'rtburchak yoki futbolka ranglariga proporsional rangda ko'rsatiladi. Futzalchining familiyasi (ism yoki taxallus) va raqami yozuvi bir xil rangda bo'lib, sport majmuasidagi muxlislar, teletomoshabinlar va OAV vakillari o'qishi uchun oson bo'lishi tavsiya etiladi (och rangli futbolkalarga tilla rang bilan raqam va familiya yozish taqiqlanadi). Bunda U-18 hamda farm-klub jamoalar formasi asosiy jamoa formasi bilan bir xil bo'lishi talab etiladi. Shuningdek, U-18, farm-klub hamda asosiy tarkib futzalchilarining raqami bir-birini takrorlamasligi

lozim. Ya'ni, asosiy tarkibda maydonga tushmoqchi bo'lgan U-18, farm-klub a'zosida boshqa yangi libosga ehtiyoj qolmasligi kerak.

19.4. Futzalchining futboldagi familiyasi o'zbek tilida lotin yozuvida ko'rsatilishi lozim. Xalqaro maydonda o'ynaydigan klublargagina familiyani (ism yoki taxallus) ingliz tilida yozishga ruxsat beriladi.

19.5. Klublar ro'yxatdan o'tish oldidan O'zPFLga yangi mavsum uchun liboslarning 3D formatini taqdim etishi, Musobaqa startiga 10 kun vaqt qolgunicha futzalchilar va darvozabonlar liboslarining asosiy va rezerv ranglari haqida to'liq axborot taqdim etishi lozim (markazlashgan musobaqaga klub ham asosiy, ham zaxira libosi bilan kelishi shart).

19.6. O'zPFL jamoalar liboslarining rangini belgilaydi.

19.7. Darvozabon libosi ikkala jamoa futzalchilari va hakamlar libosidan farqlanishi lozim.

20-bob. Futzal klublarining OAV bilan ishlashiga oid talablar

20.1. O'zPFL bosh axborot hamkorini belgilash huquqiga ega.

20.2. Futzal klubi o'z rasmiy saytiga ega bo'lishi tavsiya etiladi.

20.3. Matbuot xizmati boshqa klub, shuningdek, O'zPFLga aloqador ma'lumotni ruxsatsiz chop etishga haqli emas. Ushbu talabga rioya etmaslik intizomiy sanksiya qo'llanilishiga asos bo'ladi.

20.4. Klublar matbuot xizmati o'z uyida o'tkazilgan uchrashuvlardan fotosuratlarini O'zPFL matbuot xizmati talabiga ko'ra taqdim etishi lozim.

20.5. Darvozalar chizig'i ortida faqat akkreditatsiyadan o'tgan, maxsus nimcha kiygan tele va fotomuxbirlar turishiga ruxsat beriladi. Ularning uchrashuv davomida harakatlanishi taqiqlanadi.

20.6. Futzalchi va murabbiylar uchrashuvdan oldin va keyin bo'ladigan flesh-intervyu da ishtirok etishi shart. Translyatsiya huquqini qo'lga kiritgan kompaniya uchun flesh-intervyu berishdan bosh tortgan futzalchi yoki murabbiy klubiga nisbatan jarima qo'llaniladi.

21-bob. Musobaqalarni o'tkazish formati

21.1. Oliy liga musobaqasi jami 12 tur va 33 ta o'yindan iborat uch davrali tizimda o'tkaziladi.

21.2. Oliy ligada 12-o'rinni egallagan jamoa 2022/23-yilgi mavsum uchun quyi ligaga tushiriladi. Oliy ligada 11-o'rinni egallagan jamoa Birinchi ligada 2-o'rinni egallagan jamoaga qarshi ikkita g'alabagacha davom etadigan o'tish o'yinida ishtirok etadi. O'tish o'yini joyi O'zPFL tomonidan hal qilinadi.

21.3. Birinchi liga musobaqasi jami 6 tur va 18 ta o'yindan iborat ikki davrali tizimda o'tkaziladi.

21.4. Birinchi liga g'olibi 2022/23-yilgi mavsumni Oliy ligada o'tkazish huquqini qo'lga kiritadi. Birinchi ligada 2-o'rinni egallagan jamoa Reglamentning 21.2-bandi asosida o'tish o'yinida ishtirok etadi.

21.5. U-18 chempionati va ayollar chempionati formati ishtirokchi jamoalar sonidan kelib chiqib, alohida Nizom bilan tartibga solinadi.

21.6. O'zbekiston kubogi musobaqasida Oliy liga va Birinchi liga klublarining ishtirok etishi majburiy hisoblanadi. Holatga qarab havaskor klublar musobaqada ishtirok etishi mumkin. Umumiy ishtirokchilar sonidan kelib chiqib, musobaqa alohida Nizom bilan tartibga solinadi.

Bunda O'zbekiston kubogi uchrashuvlari har bosqichda ikki uchrashuvdan iborat bo'ladi (final uchrashuvi bundan mustasno). Bunda har ikki o'yin qur'a natijasiga ko'ra mezbon bo'lgan jamoa maydonida bo'lib o'tadi. Agar ikki o'yin natijasiga ko'ra urilgan gollar soni teng bo'lsa, ikkinchi uchrashuvda g'olib Reglamentning 17.2-bandi asosida aniqlab olinadi. Qur'a natijasiga ko'ra, uy uchrashuvini o'tkazishi lozim bo'lgan jamoaning futzal arenasi bo'lmasa yoki u O'zPFL talablariga javob bermasa, u holda mezbon jamoa nomi avtomatik ravishda almashtiriladi. Agar har ikki klubning ham uy arenasi mavjud bo'lmasa, u holda birinchi mezbon O'zPFL talablariga javob beruvchi neytral maydon topish majburiyatini oladi.

21.7. Yangi mavsum avvalida O'zbekiston chempioni hamda O'zbekiston kubogi sohibi o'rtasida Superkubok uchrashuvi o'tkaziladi. Agar bir klub ham chempionlikni, ham O'zbekiston kubogini qo'lga kiritisa, u holda Superkubok uchrashuvida Oliy ligada dastlabki ikki o'rinni egallagan jamoa o'zaro kurash olib boradi. Bunda:

- Superkubok uchrashuvi neytral maydonda bo'lib o'tadi;
- Superkubokda mamlakat chempioni avtomatik ravishda mezbon maqomida bo'ladi;
- Superkubok uchrashuvlarining asosiy vaqti durang bilan yakuniga yetsa, Reglamentning 17.2-bandi ishga tushadi.

22-bob. Musobaqa g'oliblarini aniqlash

23.1. Jamoalarning musobaqadagi o'rinlari to'plangan ochkolar yig'indisiga ko'ra aniqlanadi. Uchrashuvdagi g'alaba uchun 3 ochko, durang uchun 1 ochko, mag'lubiyat uchun 0 ochko yoziladi.

23.2. Ikkita va undan ko'p jamoalar to'plagan ochkolar teng bo'lib qolsa, jamoalarning o'rni quyidagicha aniqlanadi:

- o'zaro uchrashuv(lar) natijasiga ko'ra (olingan ochkolar, o'zaro o'yinda urilgan va o'tkazib yuborilgan to'plar farqi, umumiy jadvalda urilgan va o'tkazib yuborilgan to'plar farqi, umumiy jadvalda urilgan gollar soni);

- agar yuzma-yuz uchrashuv(lar)da texnik mag'lubiyatga uchragan jamoa(lar) eng quyi o'rinni egallaydi;
- barcha uchrashuvlarda erishilgan g'alabalar soniga ko'ra;
- barcha uchrashuvlarda urilgan va o'tkazib yuborilgan to'plar nisbatiga ko'ra;
- agar vaziyat chempionni aniqlab beradigan bo'lsa, u holda mazkur bandning so'nggi uch xatboshisi tatbiq etilmaydi hamda betaraf maydonda "oltin" uchrashuv o'tkaziladi. Mazkur uchrashuvda g'olibni asosiy vaqtda aniqlashning imkoni bo'lmasa, Reglamentning 17.2-bandi ishga tushadi.

23.3. Musobaqa ishtirokchilari uchun O'zPFL matbuot xizmati tomonidan tarqatiladigan materiallar musobaqalarning davom etishi va natijalarini aks ettiradigan rasmiy ma'lumot hisoblanadi.

23-bob. Musobaqa g'oliblarini taqdirlash

24.1. O'zbekiston Superkubogida g'olib bo'lgan klubga Superkubok topshiriladi.

24.2. O'zbekiston kubogida g'olib bo'lgan klubga O'zbekiston kubogi sovrini topshiriladi.

24.3. Final uchrashuvlarida ishlagan hakamlar brigadasi O'zPFL maxsus nishoni bilan taqdirlanadi.

24.4. O'zbekiston Oliy ligasida 1-o'rinni egallagan klubga O'zbekiston chempioni uchun atalgan kubok hamda 35 dona "oltin" medallar taqdim etiladi.

24.5. Agar chempion muddatdan oldin aniqlansa ham, kubok hamda medallar klubga musobaqaning yopilish uchrashuvida topshiriladi.

24.6. O'zbekiston Oliy ligasida ikkinchi va uchinchi o'rinni egallagan klublarga 35 donadan "kumush" va "bronza" medallar topshiriladi.

24.7. Birinchi ligada 1-o'rinni egallagan klubga Birinchi liga kubogi taqdim etiladi.

24.8. U-18 chempionatida dastlabki uch o'rinni qo'lga kiritgan klublarga 30 donadan "oltin", "kumush" va "bronza" medallari beriladi.

24.9. Ayollar chempionatida 1, 2, 3-o'rinlarni egallagan klublarga 35 donadan "oltin", "kumush", "bronza" medallari beriladi. Chempion jamoa kubok bilan taqdirlanadi.

24.10. Taqdirlash atributikalari O'zPFL hisobidan tayyorlanadi.